

Yungzsuij: Ciet Aenvenz Senhconz Gij Cingsaenz Cibgouj Gaiq Seiqcung Cienzhoih Aendangj

Ndwen 1 ngoenz 11 dwg ciet aenvenz Yungzsuij Myauzcuz Swciyen Liengzcai Yangh diegyouj gapgyaiq Guengjsae Gveicouh. Aen yienh neix gijgenj genhcaz ganbu yungh fat swhliu, bak gangj, sauq “max” gawjbau daengj hingzsik, senhconz gij cingsaenz Cibgouj Gaiq Seiqcung Cienzhoih Aendangj hawj beixnuengx Myauz、Yauz、Dung daengj minzcuz vunznoix, doidoengh gij cingsaenz cienzhoih haeujlaeg simvunz.

(Lungz Linzci Suh Youjginh/龙林智 苏友军)

► Bouxguhong gangj gij cingsaenz Cibgouj Gaiq Seiqcung Cienzhoih Aendangj hawj vunzlai.



▲ Bouxyienj ciengq Gobizbaz Duncuz.

Sanhgyangh:

Bae Mbanjdung Yienjheiq

Ndwen 1 ngoenz 10, aen hozdung ciengmoq leih lwgminz “feihyiz angq gvaq cieng vwnzva haeuj fanh ranz” bi 2020 Vwnzva Caeuq Lijyouzbu haeujcoengh hanghmoeg bae daengz Sanhgyangh Duncuz Swciyen Linzhil Cin Gauhyouj Cunh, gyoengq bouxyienj daj Guengjsae lai dieg daeuj haenx dingj nit, yungh golaux Duncuz、Gobizbaz Duncuz、caijdiu、dingzdingj、dohyez caeuq feihyiz cihsiz mizciengj ciengj dap daengj cezmuuz lai yiengh, langhbaiz gij yinxdaeuz Guengjsae gyaendei, yienj ciengz heiq ndeyawj ndeu hawj vunzlai Mbanjdung.

(Gungh Bujgangh/龚普康)

Lozcwngz Banh Aen Hozdung Vwnzva Haeuj Fanh Ranz

Ndwen 1 ngoenz 10 banhaemh, Lozcwngz Mulaujcuz Swciyen banh aen hozdung vwnzva haeuj fanh ranz “aen loqsiengj Cungguk raeuz” vunzlai yienjheiq, aeu gij vwnzva fungfouq soengq daengz lajmbanj. Baez yienjheiq neix miz diuqfoux 《Gyaez Foux Coux Cieng》、boq dig 《Fad Bien Coi Max Nyaengq Daeh Haeux》、mehmbwk gagciengq 《Ciengq Hawj Daxmeh Guekcoj》 daengj 13 aen cezmuuz, yienjok hingzsik lai yiengh, ndaej daengz vunzlai dopfwngz haenh-ndei, yienh’ok aen cawjdae saedyienh aen loqsiengj Cungguk fukhwng Cunghvaz minzcuz hungmbwk, caenh’itbouh fungfouq gij ndwenngoenz vwnzva vunzlai singz mbanj, ciengqgok yaem’wenq seizdaih moq.



▲ Bouxyienj yienjheiq ndeyawj dangqmaz.

Guengjsae Yisuzgyah Bae Camhhojceh Soengq Huqlaex Hawj Bouxnaenghci



▲ Yisuzgyah dangciengz veh vehcieng.

Ndwen 1 ngoenz 10 dwg bi 2020 daengx guk ndwencieng daehyinh ngoenz daih’it, yisuzgyah aen doih gagnyienh fug-saeh vwnzyi Guengjsae Vwnzlenz bae daengz Camhdoeng Hojceh Namz-ningz, dangciengz raiz doiqcieng、veh vehcieng、ingj mbawsiengq fuk、soengq saw hawj boux-naenghci mbouj aeu cienz, bangrengz “ndwen-cieng daehyinh”.

(Yiz Sienghceh/喻湘泉)